

Illoqarfinni anginerni sisamani nalinginnaasumik attartortittakkanik inissialiortiternissamik ukiuni 2010-mit 2020-imut pisariaqartinneqartut pillugit Naalakkersuisut nassuiaammik saqqummiussaqaarnissaannik Inatsisartut aalajangiussinissaannik siunnersuut. Nassuiaat upernaakkut 2010-mi saqqummiunneqassaaq.

(Inatsisartunut ilaasortaq Olga P. Berthelsen, Inuit Ataqtigiit)

Akissuteqaat

(Ineqarnermut, Attaveqarnermut Angallannernullu Naalakkersuisoq)

Siullermeerneqarnera

Aallarniutigalugu Naalakkersuisuniit Inatsisartuni ilaasortaq Olga P. Berthelsen, siunnersuut saqqummiussaa pillugu qutsaviginiarparput.

Inissiat aserfallassimasut piffissamullu naleqqukkunnaarsimasut amerliartornerat unitsikkusupparput. Ilaqutariit atugarissaarnerat attatiinnarusupparput, tassanilu ineqarnikkut pissutsinik pitsaasunik atugaqaarnissaq annertunerpaatigut pisariaqarpoq. Taamaattumik pisortat inissiaataasa illoqarfinni annerusuni sisamani, tassalu Nuummi, Sisimiuni, Ilulissani Qaqortumilu piumaneqarneranni pissuserpiaasut paasineqaarnissaat pingaaruteqartut Naalakkersuisut isumaqarfigaat. Tamanna pissutigalugu siunissami pisortat inissiaataat sumiikkaluaraanniunniit najugaqarfisallugit naleqquttuusariaqarput.

Illoqarfinni arlalinni inissaaleqinerujussuaq inissiaatillu aserfallassimanerat taamaallaat ilaqutariit atugarissaarnissaannut kingunerluuteqarneq ajorpoq. Aammali inuiaqtigiit suliffeqarfinni pisortallu sullissiviini inissiigallarfissanik attartortarnermut aningaasartuutit saniatigut annertuumik aningaasartuuteqartinneqartarput, taamatullu suliffissaqaarnissaq eqqarsaatigalugu pisariaqartumik nuttarsinnaanermut uniffiusarluni.

Ilaatigut paasissutissanik nalunaarsukkanik, pisortat inissiaataannik pisariaqartitsinerup misissuiffiqineqarneranut paasissutissanut tunngavissatut atorneqartussanik qarasaasiatigut nalunaarsuutininik pissarsinissamat tunngatillugu Naatsorsueqqissaartarfimmik suleqateqarneq aallartereerparput. Taamatutaaq inoqtigiit qanoq amerlatigisut inissianik imminnut pilersorsinnaanersut, inoqtigiillu amerlassusaannut naleqqiullugu aningaasaqarnerat qanoq isikkoqarnerisut il.il. pillugit misissuineq aallatinneqarpoq. Kiisalu innuttaasut nuttarnerannut tunngatillugu aamma naliliisoqartussaavoq. Taakku saniatigut inissaaleqineq qanoq annertutigerpiarnerisut paasiniarlugu utaqqisut allattorsimaffii misissorneqassapput.

Pigineqatigiilluni inissianik inissianillu nammineq pigisanik nutaanik sanaartornermi pisortat inissiaataannik sanaartornissamat sanilliullugu Namminersorlutik Oqartussat aningaasatigut peqataanerat annikinnerusartoq iluoorpoq. Namminersorlutik Oqartussat inissianik namminneq pigisassaminnik sanaartornerannut naleqqiullugu, Namminersorlutik Oqartussat inissianut inuinnaat nammineq pigisassaannut procentiminiinnannguanik taarsigassarsititsisarput.

Tamanna qineqqusaarnermi pingaartinneqarpoq, taamaattumillu nalinginnaasumik innuttaasunut inissianut attartortittakkanut nalinginnaasunut aningaasalersueriaasissat nutaat

suliarineqarsimapput. Siusinnerusukkut aningaasalersuisarnerni sanaartornermut akiusup procentinut aalajangersimasunut agguarneqarnissaat eqqumaffiginiarneqartartorujussuuvoq. Tunngaviusumut tassunga ilassutitut Naalackersuisut siunissami sanaartukkat ataatsimut aningaasaqarnerat aamma qaammammut ineqarnermut akiliutip annertussusissaatut naatsorsuutigisaaq isiginiartassamaarpat.

Tamanna assersuutigalugu illuutileqatigiiffimmik, illoqarfinni annerusuni inissaaleqiffiunerpaasuni inissianik nutaanik sanaartornissamik suliaqartussamik pilersitsinikkut anguneqarsinnaavoq. Taamaalilluni Namminersorlutik Oqartussat aningaasaliisarnerannut tamanillu aqutsisuusarnerannut taarsiullugu avataaniit aningaasalersuisarneq anguneqarsinnaassaaq.

Ineqarnermut suliassaqarfimmi sanaartornissamut aningaasaatinut tunngatillugu siunissamut ungasissumut anguniagaqarnissaaq Naalackersuisut siunertaraat, tassungalu nassuiaasiornissaaq iluaqutaassaaq.

Naalackersuisut taamatut oqaaseqarlutik aalajangiiffigisassatut siunnersuutip taparserneqarnissaa inassutigissavaat.